



Sanctus Viterbus bonarum artiū amore in monasterium Eluungen ingressus est, ut & literis operam daret, atq; pietati incumberet. In eo enim loco paulo antè schola fundata, atq; monasterium constitutum fuerat. Vbi cum plurimum profecisset, secundus eius loci abbas electus fuit. Eam functionem cū magna laude subiret, Pipino regi Francorum charissimus extitit. Itaq; cum Marcomannus Augustanus præsul obiisset, Viterbus ob eruditionem & uitæ sanctimoniã in eius loci Episcopum electus est. Id quod accidit circa annum Domini 770. Sunt tamē qui annis 20 eum iuniorem faciunt. Eam Ecclesiam per annos 16 magna dexteritate administrauit, atq; unicè eò respexit, ut eius loci incolæ pacē custodirent,

atq; Deū pia mente colerēt. Nam eo tēpore Carolus Magnus grauissima bella cū duce Bauariæ exercebat. Cū hoc modo feliciter perrexisset, atq; suo exemplo plurimos ad pietatem adduxisset, tandē moriēs, Tossionē successorem habuit, ipse autem inter sanctos relatus fuit. Anon. in Episcop. August.